

essen befohlen habe / mit diesen Worten: Nemet / esset / etc. Seye nicht sein Leib / sondern nur Brodt gewesen / durch welches der Leib Christi bedeutet / vnd seine hingebung in den Todt damit fürgebildet worden.

Hierhate nun zu / lieber Leser / ob diß nicht heisse offenbarlich von den Testamentsworten Christi abgetretten / vnd eine Erflerung gesucht / welche vns ein mehrers nicht leisset zu omen / als den Vätern altes Testaments / die den Leib vnd Blut Christi ganz vnd gar nicht gehabt haben / nach der substanz vnd wesen / ob sie wol der Wohlthaten Messia haben genossen / der ihnen nach dem Fleisch / Leib vnd Blut / nicht gegenwertig / sondern zukünftig ward.

Ist derwegen ein recht vnbesonnen wesen / ja eitel falsch vnd betrug / wann die Calvinisten fürgeben / Sie seyen nicht die jentigen / welche nur Brodt vnd Wein im H. Sacrament glauben / vnd die Gegenwertigkeit des Leibs vnd Bluts Christi verleugnen.

Denn vmb Gottes willen / dencke doch den sachen etwas weiters nach ; Wenn wir in vnsern Sacramentē keine andere gemeinschaft haben des Leibs vñ Bluts Christi / als vorzeiten Abraham vnd andere Väter / Inmassen diß die Calvinisten einmütiglich lerē /  
so